

Haji Taib yang selalu menulis ruangan agama dalam sebuah akhbar Melayu tempatan menyatakan bahawa bermilion-milion wang Malaya dikeluarkan kerana pergi

Haji yang didapat bagi Malaya tidak ada selain daripada berfaedah kepada jemaah Haji itu dapat menuaikan fardu Haji. Ini betul tetapi adakah orang-orang Islam mahu mendapat faedah lain daripada dapat menuaikan rukun Islam yang kelima yang boleh ditunaikannya? Apakah Khīr fikir lebih besar kepada mereka iktisad di Malaya daripada kefarduan menuanikan perintah Allah? Cubalah Khīr memberi jawab atau beri nas padanya.

Khīr syorkan pula di dalam makalahnya supaya kerajaan Saudi Arabia yang “banyak memakan wang-wang Haji” itu mengadakan *scholarship*. Ini satu syor yang bagus tetapi adakah pekerjaan orang-orang menuaikan ibadat kepada Tuhan itu berkehendak pula balasan atas kebendaan dengan suatu cara? Tolong nyatakan ibadat cara apa itu? Adakah berfaedah Haji daripada *scholarship* itu? Harap beri keterangan!.

Khīr sebut pula patut Malaya mendapat faedah daripada wang yang dikeluarkan kerana menuaikan Haji itu dari kerajaan Saudi Arabia umpama barang-barang mentah dan jentera. Apakah sebagai orang-orang agama ia tidak mengetahui keterangan Tuhan tentang kejadian Tanah Mekah yang kering kontang dan daripada rezeki yang dijanjikannya kepada penduduk-penduduk Mekah? Insaflah dan fikirlah sebelum menulis. Hendaklah ingat bahawa orang-orang pergi Haji itu dengan kemahanan sendiri, dengan keredhaan sendiri, dengan kesukaan dan keikhlasan sendiri-tidak dipaksa dan disuruh. Mereka mengeluarkan wangnya dengan



KOPI PAHIT

redahnya dan tidak merugikan orang lain. Kalau orang tidak suka ia boleh buat tidak ada yang memaksa kerana orang-orang agama itu lebar besar hatinya dapat mengumpulkan wang

dengan jimat cermat berdikit-dikit dengan niat dapat menyempurnakan seruan Tuhannya- mereka tidak mencuri atau mengambil wang orang- mereka tidak menghabiskan wangnya kerana berjudi, minum arak dan berzina yang mustahak ditegah dan diingatkan oleh Tuan Khīr terutamanya terlebih dahulu kepada orang-orang yang disekeliling pinggangnya kerana tidakkah ini melemahkan iktisad yang bertambah dengan keburukan akhlak pula? Apakah yang demikian ini tidak mustahak ditegur kerana ia membawa bala sedang orang-orang menuaikan Haji adalah menuju kepada perkara yang dipandang berkebijakan oleh mereka- dikecualikan oleh orang-orang..... menjadi sebaliknya.

Tuan Malcolm McDonald tatkala membuka majlis perhimpunan pemuda sedunia baharu-baharu ini menyatakan bahawa sebab-sebabnya lambat Malaya sampai kepada kemerdekaan ialah kerana umatnya belum bersatu padu sebagai Malayan- mereka sedang mara menuju kepada satu bangsa itu. Perkataan ini adalah sangat mustahak diperhati oleh orang-orang Melayu – dan juga raja-raja Melayu terutamanya pula Nyonya Laskhmi Pandit meminta suapay orang-orang India suka jadi Malayan tetapi jangan melupakan India. Wal hasil tanah kita yang makmur ini menjadi “buah hati” kepada orang-orang luar sedang perkara ini adalah mustahak benar dicampuri- lebih utama daripada cemburu kepada wang sebelas milion digunakan kerana Haji ke Mekah.- Cemeti al-Farouk